

ԿԱՐԳ

Վերականգնվող էներգառեսուրսներ օգտագործող ինքնավար արտադրողների միկրոէլեկտրակայանների և էլեկտրաէներգետիկական համակարգի զուգահեռ աշխատանքի

Սույն կարգը սահմանում է ինքնավար արտադրողների միկրոէլեկտրակայանների էլեկտրաէներգետիկական համակարգին միանալու և զուգահեռ աշխատանքի, ինչպես նաև այդ աշխատանքի ընթացքում էլեկտրաէներգիայի հաշվառման պայմանները:

1. Կարգում օգտագործված հիմնական հասկացությունները

Արտադրող՝	էլեկտրաէներգիայի (իզոթերմալ) արտադրության լիցենզիա ունեցող իրավաբանական անձ.
Բաշխող՝	էլեկտրաէներգիայի (իզոթերմալ) բաշխման լիցենզիա ունեցող իրավաբանական անձ.
Հաղորդող՝	էլեկտրաէներգիայի (իզոթերմալ) հաղորդման լիցենզիա ունեցող իրավաբանական անձ.
Հաշվարկային տարի՝	հաշվարկային ժամանակահատված, որն սկսվում է տվյալ տարվա ապրիլի 1-ի ժամը 0 ⁰⁰ - ին և ավարտվում հաջորդ տարվա մարտի 31-ի ժամը 24 ⁰⁰ - ին.
Պայմանագիր՝	էլեկտրաէներգիայի առուվաճառքի (մատակարար – սպառող (ինքնավար արտադրող) պայմանագիր
Հաշվարկային ամիս՝	Պայմանագրով ամրագրված հաշվարկային ժամանակահատված.
Սահմանազատման կետ՝	էլեկտրակայանների հաշվեկշռային պատկանելության սահման.

**Վերականգնվող
էներգառեսուրսներ օգտագործող
ինքնավար արտադրող
(ինքնավար արտադրող)՝**

սեփական կարիքների բավարարման համար
էլեկտրական էներգիա արտադրող իրավաբանական
անձ.

**Միկրոէլեկտրակայան
(այսուհետև՝ ՄիկրոԷԿ)՝**

մինչև 100 կՎտ տեղակայված հզորություն ունեցող
էլեկտրակայան:

2. Ընդհանուր դրույթներ

2.1 Ինքնավար արտադրողը էլեկտրաէներգետիկական համակարգին
միանալու և զուգահեռ աշխատելու համար դիմում է Բաշխողին՝ ստանալու միացման
տեխնիկական պայմանները:

2.2 Արտադրողի կամ Հաղորդողի սեփականությունը հանդիսացող
էլեկտրական ցանցին միանալու տեխնիկական պայման ստանալու դեպքում
ինքնավար արտադրողը դիմում է նաև նրանց՝ ստանալու լրացուցիչ տեխնիկական
պայմաններ:

3. Ինքնավար արտադրողի ՄիկրոԷԿ-ի էլեկտրաէներգետիկական համակարգի հետ զուգահեռ աշխատանքը

3.1 Էլեկտրաէներգետիկական համակարգի հետ ՄիկրոԷԿ-ի զուգահեռ
աշխատանքն ապահովելու համար Ինքնավար արտադրողը պարտավոր է՝

ա) էլեկտրաէներգետիկական համակարգին միացումն իրականացնել
ներկայացրած տեխնիկական պայմանների համաձայն,

բ) ունենալ Բաշխողի հետ կնքված Պայմանագիր:

3.2 Էլեկտրաէներգետիկական համակարգի հետ ՄիկրոԷԿ-ի զուգահեռ
աշխատանքը կարող է իրականացվել հետևյալ տարբերակներով.

ա) Ինքնավար արտադրողի սպառման ցանցը և ՄիկրոԷԿ-ը միացած են
էլեկտրաէներգետիկական համակարգին էլեկտրականապես մեկ կետում.

բ) Ինքնավար արտադրողի սպառման ցանցը և ՄիկրոԷԿ-ը միացած են
էլեկտրաէներգետիկական համակարգին մեկ համայնքի կամ հարակից համայնքների
տարածքում գտնվող տարբեր կետերում:

3.3 Բաշխողը Ինքնավար արտադրողին միացման տեխնիկական պայմանները տրամադրելու դեպքում այդ մասին տեղեկատվություն է ներկայացնում Հայաստանի Հանրապետության հանրային ծառայությունները կարգավորող հանձնաժողով (այսուհետև՝ Հանձնաժողով)՝ հաշվառման նպատակով:

3.4 Ինքնավար արտադրողի և Բաշխողի պարտավորությունները՝ կապված Միկրո ԷԿ-ի աշխատանքի ռեժիմների և անվտանգության ապահովման հետ, սահմանվում են Պայմանագրով:

4. Էլեկտրական էներգիայի հաշվառումը և հաշվեկշռային հաշվարկը

4.1 Էլեկտրաէներգետիկական համակարգի և ՄիկրոԷԿ-ի զուգահեռ աշխատանքի ընթացքում էլեկտրաէներգիայի հաշվառումն իրականացվում է Հայաստանի Հանրապետության տեխնիկական կանոնակարգերով սահմանված պահանջներին համապատասխանող էլեկտրաէներգիայի հաշվառքի սարքերով:

4.2 Էլեկտրաէներգիայի հաշվառքի սարքերը տեղադրվում են Սահմանազատման կետերում և պետք է ապահովեն էլեկտրաէներգետիկական համակարգի և ՄիկրոԷԿ-ի զուգահեռ աշխատանքի ընթացքում տեղի ունեցող էլեկտրաէներգիայի փոխհոսքերի հաշվառումը:

4.3 Ինքնավար արտադրողի ՄիկրոԷԿ-ի և էլեկտրաէներգետիկական համակարգի զուգահեռ աշխատանքի ընթացքում հաշվառված էլեկտրական էներգիայի հաշվարկն իրականացվում է հետևյալ պայմաններով.

ա) Հաշվարկային ամսվա ավարտից հետո Ինքնավար արտադրողի և Բաշխողի միջև իրականացվում է էլեկտրական էներգիայի հաշվեկշռային հաշվարկ.

բ) հաշվեկշռային հաշվարկը կատարվում է Պայմանագրով սահմանված ժամկետում.

գ) Ինքնավար արտադրողը և Բաշխողը Հաշվարկային տարին սկսում են էլեկտրական էներգիայի զրոյական հաշվեկշռով:

4.4 Տվյալ Հաշվարկային ամսվա համար էլեկտրական էներգիայի հաշվեկշիռը ($W_{\text{ՀԱ}}$) հաշվարկվում է՝

ա) սույն կարգի 3.2 կետի ա) ենթակետում նշված դեպքում՝ հետևյալ բանաձևով.

$$W_{<42} = W_{u3} - W_{p3} - W_{\gamma},$$

որտեղ՝

W_{u3} - Ինքնավար արտադրողի ցանց մուտք գործած էլեկտրական էներգիան է,

W_{p3} - էլեկտրաէներգետիկական համակարգ մուտք գործած էլեկտրական էներգիան է,

W_{γ} - նախորդ Հաշվարկային ամսվա հաշվեկշռային հաշվարկի արդյունքում դեբետագրված էլեկտրական էներգիան է.

բ) սույն կարգի 3.2 կետի բ) ենթակետում սահմանված դեպքում՝ հետևյալ բանաձևով.

$$W_{<42} = W_{u3} - W_{p3}(1 - k) - W_{\gamma}$$

որտեղ՝

k - ն գործակից է, որը հաշվի է առնում էլեկտրաէներգիայի կորուստները բաշխման ցանցում և հավասար է 0,08 – ի:

4.5 Տվյալ Հաշվարկային ամսվա համար հաշվեկշռային հաշվարկի արդյունքում՝

ա) եթե էլեկտրական էներգիայի հաշվեկշիռը՝ $W_{<42}$ – ն, ունի դրական նշան, ապա այն ($W_{<42}$) Ինքնավար արտադրողի կողմից ենթակա է վճարման,

բ) եթե էլեկտրական էներգիայի հաշվեկշիռը՝ $W_{<42}$ – ն, ունի բացասական նշան, ապա այն ($W_{<42}$) ենթակա է դեբետագրման՝ հաջորդ Հաշվարկային ամսվա հաշվեկշռային հաշվարկում հաշվի առնելու համար:

Հաշվարկային տարվա վերջին Հաշվարկային ամսվա համար, երբ հաշվեկշռային հաշվարկի արդյունքում $W_{<42}$ – ն ունի բացասական նշան, այն զրոյացվում է (դուրս է գրվում):

5. Վճարման կարգը

5.1 Սույն կարգի 4.5 կետի ա) ենթակետի համաձայն հաշվարկված էլեկտրաէներգիայի դիմաց Ինքնավար արտադրողը վճարում է Հանձնաժողովի կողմից Բաշխողի համար սահմանված սակագնով: Վճարման կարգը սահմանվում է Պայմանագրով: